

1613_261.jpg

Seconde Continuation.

261


Magdelaine de Bauieres : Nous verrons l'an
suivant comme il abjura la Religion Protestan-
te, & fit profession de la Catholique: & le trou-
ble qui aduint dans les Estats de Iulliers.

Il a esté rapporté cy dessus en 1612. Que Mi-
chel Federuits, auoit esté esleu Empereur ou
Czar de Moscouie; En ceste année il continua
la bonne fortune des armes des Moscouites
contre les Polonois, & alla mettre le siege
deuant Smolensqui (place qui auoit tât cousté
à prendre comme il a esté rapporté en la secon-
de Continuation.) On a escrit qu'il auoit soi-
xante mille hommes de guerre en son armée.
Codkouvits Lieutenant de l'armée Polonoise,
se sentant inegal en forces pour luy presenter
la bataille, se retira en Lithuanie, & ietta de-
dans Smolensqui vne garnison de Cosaques,
Heiduques, & Allemans, leur promettant
tout secours, & de leur faire tenir les muni-
tions qui seroient necessaires: Mais les Co-
sacques & Heiducques ne furent gueres dedans
cette ville, sentans les Moscouites approcher;
& ayans medité leur fuite, ils l'abandonnerent
tres-lachement, laissant les trois cents Alle-
mans seulement dedans. Ces Cosaques & Hei-
ducques sont gens plus propres & aduits aux
courses & à la picoree qu'à la deffence d'une
muraille.


Ainsi Smolensqui abandonné, l'armée des
Moscouites s'estant campee deuant, les Alle-
mans & quelques Polonois qui estoient dedans
n'estans capables pour faire resistance, furent

*Smolensqui
repris par les
Moscouites.*


1613_262.jpg




1613_263.jpg




1613_264.jpg



1613_265.jpg



1613_266.jpg



1613_267.jpg

Seconde Continuation.

267

bochus, Roy des Teutons, Cimbres & Ambrusins desfaict par Marius Consul Romain, cent cinq ans avant la venue de Iesus-Christ; lequel il disoit auoir esté enterré en vn petit terre ou colline aupres du Chasteau de Langon proche de Romans en Dauphiné, où on auoit trouué sa tombe enuiron dixsept ou dixhuit pieds dans terre, avec des medailles où le nom de Marius y estoit demonstré par vne M. & vne R. Bref Iacques Bassot en fit vne Histoire qu'il disoit estre veritable, & laquelle ledit Mazuyer vendoit, s'esforçant de prouuer son dire par passages tirez d'Osorius, Florus, & Plutarque; assurant qu'il falloit que ce Geant Theutobochus eust eu au moins vingtcinq pieds de haut.

*Histoire de
Theutobochus
escrite par
Bassot.*


A Paris l'on alloit veoir pour de l'argent comme chose rare ces os, ces dents, & ces vertebres: Ainsi que les autres Charlatans, Mazuyer auoit à sa porte vne enseigne où estoient peints les os de ce Geant. Chacun en disoit son aduis, les vns tenoient cela pour impossible, les autres l'affirmoient veritable.

*Gigantosteo-
logie.*

Vn Maistre Chirurgien à Paris voulut soutenir l'Histoire de Mazuyer & de Bassot, & fit vn liure qu'il dedia au Roy, & l'intitula la Gigantosteologie, où il vouloit prouuer par les anciennes Histoires, & par des medailles, que ces ossements estoient ceux du Geant Theutobocus, duquel 1. la longueur estoit de vingtcinq pieds & demy. 2. sa largeur, à l'endroit des espauls de dix pieds: 3. qu'auant de leuer

s iij

1613_268.jpg



M. D. C X I I I.

268

pas vn os de dedans la tumba on auoit obseruè la mesure de la teste, laquelle auoit cinq pieds en longueur & dix en rondeur: 4. que la machoire inferieure depuis ses conjunctions auoit de tour six pieds, & chascun dent molaire estoit de la grosseur du pied d'vn petit tanreau: 5. que les orbites ou logettes des yeux auoient chacune sept pouces de tour, & estoient de la grandeur d'vne moyenne assiette: 6. Et que chacune clauicule auoit quatre pieds de longueur.

*L'imposture
des os hu-
mans sup-
posez à Theu-
tobochus.*

Ceste Gigantosteologie n'eust esté si tost mise en lumiere, qu'elle fut doctement contredicte, par plusieurs escrits, & entr'autres par vn liure intitulé, *L'imposture descouuerte des os humains supposéz, & faulxement attribuez au Roy Theutobochus*: Où on faisoit recognoistre que ce qu'auoient escrit les nouveaux Historiens de Theutobochus, ne pouuoit estre: Et que si Theutobochus auoit esté tué dans les bois du Plot, proche le fleuue de Galore, que c'estoit bien loing de Dauphiné, ce fleuue là estant en Toscane. Qu'ils ne scauoient aussi ny l'Histoire ny la Geographie, en disans que les Cimbriens, Teutons, & ceux de Zurich auoient esté chassez hors de leurs pays, des Espagnes & de la France, par l'inondation de l'Océan: puis que les Cimbres & Teutons estoient peuples des Barbares d'Allemagne habitans prez la mer Baltique, loing d'Espagne de prez de quatre cents lieues, & où ils n'auoient iamais esté, & n'y eussent peu aller qu'en trauersant toute la France; dont

1613_269.jpg

Seconde Continuation.

269

Orosius Florus & tous les anciens Historiens n'auoient fait mention aucune de ce pretendu trauesement : bien escriuoient ils qu'ils auoient passé par la Sauoye & le Dauphiné, qui sont à l'un des bouts de la France proche & dās les Alpes, bien loing des Pyrenees qui diuisent la France de l'Espagne.

Que les medailles que l'on asseuroit estre de Marius, estoit vne imposture visible; car en la figure pourtraicte dans le liure de Bassot, les lettres M. & R. que l'on disoit signifier Marius, estoient Gorhiques, & non pas Romaines: & par consequent quant on auroit trouué de telles medailles elles estoient de nouuelle fabrique & depuis quatre cents ans.

Que les nouueaux Historiens de Theutobochus ayant escrit, que 1. sa longueur estoit de vingt-cinq pieds & demy, & 2. sa largeur de dix pieds, monstroient appertement leur ignorance: Car si la largeur estoit de dix pieds, il eust falu que Theutobochus eust eu quarante pieds de longueur: D'autant que la largeur d'un corps humain n'estoit que la quatriesme partie de la longueur.

3. Si la teste auoit en longueur cinq pieds, tout le corps en deuoit auoir trente; d'autant que la teste ne faisoit que la sixiesme partie du corps.

4. Si la rondeur de la teste estoit de dix pieds, la machoire inferieure n'en pouuoit auoir que cinq: & partant il auoit esté ineptement escrit qu'elle en auoit six.

s iij

1613_270.jpg




Image issue du site mercurefrancois.ehess.fr - Cliché (c) Cécile Soudan